



**ASOCIJACIJA ZA KVALITET
U BOSNI I HERCEGOVINI
Z E N I C A**

Ul. Fakultetska br. 1

Broj: 01 - 06 - SO/2005.

Datum: 10.06.2005.

**ZAPISNIK SA II (DRUGE) SKUPŠTINE
ASOCIJACIJE ZA KVALITET U BOSNI I HERCEGOVINI
održane 09.06.2005. GODINE U 12,00 SATI
U »ENERGOINVEST« DD SARAJEVO**

Prisutni: 73 delegata

Predsjednik AQBIH Mr. Mirsad Begić se obratio prisutnima i predstavio radno predsjedništvo koga su činili: Mr. Mirsad Begić (predsjednik Skupštine), Dr. Safet Brdarević (predsjednik AQBIH), Dr. Miroslav Bobrek (podpredsjednik AQBIH), Mr. Mičo Jančev (podpredsjednik AQBIH) i Mr. Sabahudin Jašarević (sekretar AQBIH)

Za sjednicu je predložen sljedeći dnevni red:

DNEVNI RED:

1. Usvajanje zapisnika sa prethodne osnivačke Skupštine
2. Izvještaj o radu u proteklom periodu
3. Plan rada za naredni period
4. Prezentacija integralnog sistema upravljanja kvalitetom u „ENERGOINVEST“ d.d. Sarajevo – mr. Mirsad Begić
5. Informacija o učešću na konferenciji „Balkan kao prostor kvaliteta“ – prof. dr. Miroslav Bobrek
6. Razno

* * * * *

Dnevni rad je usvojen jednoglasno od strane prisutnih bez dopuna.

Razmatranje po tačkama dnevnog reda:

Ad. 1.

Zapisnik sa I (prve) sjednice Skupštine Asocijacije za kvalitet u BiH održane 13.11.2003. u Zenici usvojen je jednoglasno od strane prisutnih.

Ad. 2.

Predsjednik AQBiH je iznio izvršenje plana za 2004. godinu i prvi period 2005 godine. Izvještaj o realizaciji plana možete pogledati u prilogu.

Mr. Sabahudin Jašarević je u ime nadzornog odbora iznio Izvještaj Nadzornog odbora o radu AQBiH. Isti možete naći u prilogu.

Nakon kraće diskusije i prijedloga da se Izvršenje plana rada za 2004. godinu iznese po tačkama plana Izvještaj je usvojen jednoglasno od strane prisutnih

Ad. 3.

Mr. Mičo Jančev je iznio Plan rada za 2005. godinu kojeg je donio UO AQBiH i istakao da je Plan dosta ambiciozan s obzirom na sredstva kojima se raspolaže. Istaknut je značaj prijema AQBiH u EOQ koji je ostvaren veoma brzo s obzirom da je protekao veći period za registraciju u okviru same BiH. Dvije ključne riječi koje su istaknute kroz Plan su povezivanje (kako u BiH tako i van BiH) i formiranje pokreta za kvalitet u BiH kojem će se priključiti svi ljudi iz svih oblasti ljudskog stvaralaštva. Plan rada možete naći u prilogu.

Nakon diskusije u kojoj je učestvovalo više delegata (Brano Vujčić, Branko Ćurea, Omer Jukić, Slavka Sufi-Mičić, Zijad Skaka, Sead Kilalić, Miroslav Bobrek, Mirsad begić, Miloš Marković) zaključeno je da je Plan dosta ambiciozan, a da Upravni odbor AQBiH u isti pokušava shodno mogućnostima ugraditi i sljedeće elemente:

- povezivanje i zajednički rad sa drugim sličnim Asocijacijama na nivou BiH i šire (Asocijacija poslodavaca i Asocijacija za informacione tehnologije),
- da se pokuša uvesti BiH nagrada za kvalitet i da se pokušaju provjeriti nagrade koje naše firme primaju po svijetu,
- da se ekologiji posveti dužna pažnja,
- da se problemu edukacije mora posvetiti značajna pažnja kako u pogledu ponude tako i regulisanja tržišta ovog proizvoda i stavljanja pod neki vid nadzora i kontrole,
- da AQBiH bude inicijator ideje prema Vijeću ministara BiH i predsjedništvu i nosilac programa izrade Državnog programa kvaliteta na nivou BiH,

Takođe je primljena informacija da je BATA (Institut za akreditaciju BiH) potpisao sporazum o saradnji BiH i Evropske organizacije za akreditiranje što stječe pravo na potpisivanje multilateralnih sporazuma sa EA u pojedinim područjima, čime se omogućava da robe i usluge iz BiH, koje posjeduju odgovarajuće certifikate od BATA brže i lakše dođu do kupaca na evropskom tržištu.

Ad. 4.

U okviru ove tačke prezentovan je upravo uveden i certificirani INTEGRALNI SISTEM KVALITETA u Energoinvestu dd kojeg je predstavio Mr. Mirsad Begić. Prezentaciju možete pogledati u prilogu.

Ad. 5.


U okviru ove tačke Dr. Miroslav Bobrek je izvjestio prisutne o učešću bh delegacije na međunarodnom kongresu „Balkan kao prostor kvaliteta“ koji je održan u Beogradu i na kome su prezentovana iskustva i stanje u području kvaliteta u BiH. Prezentaciju možete naći u prilogu.

Ad. 6.

Nije bilo posebnih rasprava po ovoj tački.

Zapisnik vodio:

Mr. Jašarević Sabahudin, dipl.inž.

Zapisnik ovjerio:

Mr. Mirsad Begić